



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De eminentia liberæ mentis, quam supplex oratio magis meretur quàm  
lectio. XXVI

[urn:nbn:de:hbz:466:1-45790](#)

rebus tibi non commissis te implices: & poterit fieri, ut patrum  
vel raro turberis.

2. Nunquam autem sentire aliquam turbationem, nec aliqui  
pati cordis vel corporis molestiam, non est praesentis temporis,  
sed status aeternæ quietis. Non ergo aestimes te veram pacem inue-  
nisse, si nullam senseris gravitatem; nec tunc totum esse bonum, si  
neminem pateris aduersarium; nec hoc esse perfectum, si cuncta  
fiant secundum tuum affectum. Neque tunc aliquid magni te reputes,  
aut specialiter dilectum aestimes, si in magna fueris deuotione at-  
que dulcedine; quia in ipsis non cognoscitur verus amator virtutis;  
nec in ipsis consistit profectus & perfectio hominis.

3. In quo ergo Domine? In offerendo te ex toto corde tuo  
voluntati diuinæ; non querendo, quæ tua sunt, nec in paruo, nec  
in magno, nec in tempore, nec in aeternitate; ita ut una æquali  
facie, in gratiarum actione permaneas, inter prospera & cœtraria,  
omnia æqua lance pensando. Si fueris tam fortis & longanimis  
in spe, ut subtracta interiori consolatione, etiā ad ampliora susci-  
nenda cor tuum præparaueris; nec te iustificaueris, quasi hæc tan-  
taque pati non deberes; sed me in omnibus dispositionibus iusti-  
ficaueris, & sanctum laudaueris: tunc in vera & recta via pacis  
ambulas, & spes indubitate erit, quod rursus in iubilo faciem  
meam sis visurus. Quod si ad plenum tui ipsius contemptum per-  
ueneris, scito, quod tunc abundantia pacis perfrueris, secundum  
possibilitatem tui incolatus.

## C A P V T XXVI.

*De eminentia libera mentis, quam supplex oratio magis  
meretur quam lectio.*

1. D Omine, hoc opus est perfecti viri, nunquam ab intentio-  
ne caelestium animum relaxare: & inter multas curas quasi  
sine cura transire, non more torpentis, sed prærogativa quadam li-  
beræ mentis, nulli creaturæ inordinata affectione adhærendo.

2. Obsecro te piissime Deus meus, præserua me à curis huius  
vitæ, ne nimis implicer; à multis necessitatibus corporis, ne vo-  
luptate capiar; ab vniuersis animæ obstaculis, ne molestij fractus  
deiciar. Non dico ab his rebus, quas toto affectu ambit vanitas  
mundana; sed ab his miserijs, quæ animam serui tui, communis  
maledictio mortalitatis, penaliter grauans & retardant; ne in li-  
bertatem spiritus quoties libuerit, valeat introire.

3. O Deus meus, dulcedo ineffabilis, verte mihi in amaritudi-  
nem omnem consolationem carnalem, ab aeternorum amore me  
abstra-

*Genes. 3.  
Romani. 7.*

